

**IJAMBO RYA NYAKUBAHWA MADAMU JEANNETTE KAGAME
MU KIGANIRO KU URUHARE RWA KILIZIYA GATOLIKA MU
GUTEZA IMBERE UBUMWE N'UBWIYUNGE, IMYAKA 25
NYUMA YA JENOSIDE YAKOREWE ABATUTSI**

Sainte Famille Hotel,

Ku wa 29 Ugushyingo 2019

- **Ba Nyakubahwa Basenyeli ba Kiliziya Gatolika,**
- **Nyakubahwa Intumwa ya Papa mu Rwanda,**
- **Bayobozi mu nzego z'Igihugu zitandukanye,**
- **Members of the Diplomatic Corps and Representatives of International Organisations,**
- **Bafatanyabikorwa muri hano,**
- **Batumirwa turi kumwe uyu munsi,**
- **Distingués Invités,**

Mwaramutse Neza!

Nagira ngo mbashimire ubutumire mwampaye, bwo kwifatanya namwe muri ibi biganiro, ku ***“Uruhare rwa Kiliziya Gatolika, mu guteza imbere ubumwe n’ubwiyunge, nyuma y’imyaka 25 habaye Jenoside yakorewe Abatutsi”***.

Nkimara kubona ubu butumire, nibajije icyo umuntu abwira umuryango mugali w’Abiyeguriye Imana nkamwe, bakabigira umuhamagaro, bakaniyemeza gufata urugendo rw’ubumwe n’ubwiyunge.

Hanyuma nsanga igisobanuro, ari uko nk’uko mwabitoje, mwashatse ko uru rugendo mwarujyanamo n’intama mushinzwe kuyobora.

Ibibazo nibazaga byose byahise binyorohera, mbibonera ibisobanuro. Ni mu gihe, kandi birumvikana, kuko twese abiyemeje kwita ku buzima bw’abantu (**“Serving Leaders”**), yaba Abihaye Imana cyangwa Abayobozi mu nzego zitandukanye, abo dufite mu nshingano twese; ni bamwe!

Bakiristu

Bashumba ba Kiriziya Gatolika

Bashyitsi mwese muri hano

Umwalimu witwa Prof. Dr. E.A.J.G. van der Borcht, mu nyandiko ye yise **“Religions and reconciliation of conflicting sociocultural identities”**¹, agaragaza ko kugira ngo Kiriziya igire uruhare rufatika mu rugendo rw’ubumwe n’ubwiyunge, iba itagomba gushingira gusa ku nyigisho zisanzwe z’iyobokamana. Ahubwo ikongeraho kumva neza ibibazo byihariye by’imibanire n’imibereho y’abantu.

Akomeza agaragaza ko, ahantu hagiye haba amakimbirane, ivangura ndetse na Jenocide, Kiriziya yifashishije ibintu by’ingenzi bikurikira:

- **Rediscovering reconciliation practices** - Kongera gusuzuma urugendo rw’ubwiyunge,
- **Becoming more critical of our own historical record-**
Gutinyuka kwinenga,

¹http://www.scielo.org.za/scielo.php?script=sci_arttext&pid=S1015-87582018000300010&lng=es&nrm=iso&tlng=en

- ***Develop a theology that pays proper attention to sociocultural identities-*** Kubaka imyumvire n'inyigisho zihamye zo kwita ku mibereho n'imibanire myiza y'abantu.

Nagira ngo mumfashe dushimire Kiliziya ko yatekereje gushyiraho urubuga nk'uru rwo kuganira no gusuzuma ingaruka zatewe n'amahano ya Jenocide yatugwiririyeye. Ibiganiro nk'ibi rero bidufasha kuzirikana amahitamo akomeye twakoze nk'Abanyarwanda.

Munyemerere kandi twihanganishe Kiliziya Gatolika kuko nayo yabuze Abihayimana n'Abakirisitu benshi.

Kiliziya kandi yagize n'ibyago, byo kugira abayoboke babibye ingengabitekerezo ya Jenocide igihe kirekire, no gukora icyaha cya Jenocide.

Biri mu nshingano zacu twese, gukomeza kwigisha no gufasha abakomoka mu miryango yabo, ndetse n'Abanyarwanda muri rusange, kugendera kure uwo murage mubi.

Ntitwawirengagiza kandi ko Kiliziya yagize n'Intwari: abavukijwe ubuzima bwabo, kuko **batsimbaraye** ku Igihango cy'Ubunyarwanda, Igihango cy'Ubumuntu, no kumenya guhitamo icyiza.

Ku bazi gahunda y'ishimwe rigenerwa ibyiciro by' **“Intwari z'Igihugu”** n' **“Abarinzi b'Igihango”**, muzi ko muri abo harimo Abasenyezi, Abapadiri b'Abanyarwanda n' Abanyamahanga, Ababikira ndetse n'Abalayiki.

Abo bose bazahora ari urugero rwiza rw'ababyiruka b'u Rwanda, nkuko tuzirikana Abatagatifu bose n'abandi babaye urugero rwiza mu buzima bwa Kiliziya kuva yabaho.

Batumirwa turi kumwe uyu muni,

Igihe Abanyarwanda bari bamaze kubona amahoro, kongera kubaka umutima w'Ubunyarwanda byasabaga imbaraga, ubushishozi, ubufatanye no kureba kure.

Ibi rero ntabwo ari umuntu umwe wari kubyishobozaga, niyo mpamvu Leta yashyizeho ingamba, inatangiza gahunda zigamije kunga Abanyarwanda, ifatanyije n'imiryango itandukanye, harimo n'Imiryango y'Abihaye Imana.

Iyo turebye muri Bibiliya mu bitabo by'Isezerano rya Kera ndetse n'Isezerano Rishya, usanga ijamba 'Ubwiyunge' rigenda rigaragara ahantu henshi.

Ijambo ry’Imana ryibutsa buri muntu kwiwunga nawe ubwe, bikamufasha kwiwunga n’abandi, akabona kwiwunga n’Imana koko.

Nk’uko tubisanga mu Bakorenti ba 2, umutwe wa 5 umurongo wa 18, utubwira ko byose biva ku Mana yo yatwiyegereje ikatubabarira muri Kristu, natwe ikadushinga umurimo wo kunga abantu, nayo.

Ibi bitwibutsa ko ibyo dukora byose nk’igihugu, muri uru rugendo rw’ubumwe n’ubwiyunge, tugendera no mu murongo Imana ishaka.

Nyuma ya Jenocide twari dufite ibibazo bikomeye, byihariye kandi usanga ikibazo cyose kihutirwa.

Gukemura ibyo bibazo, mu muryango ukomeretse, udafite umutekano uhagije, nta n’icyizere mu bantu, byari kugorana!

Byari ngombwa rero ko twimakaza gahunda y’Ubumwe n’Ubwiyunge, no gushyira imbere Ubunyarwanda nk’icyomoro cy’amateka yadukomerekeje, ikaba n’igihango dusangiye mu kubaka u Rwanda rutazima.

Turashimira Kiliziya Gatolika, kuba yaragendanye na Leta, ikagira uruhare mu gufasha Abanyarwanda muri rusange n’abayobokeye bayo by’umwihariko, mu rugendo rw’Ubumwe n’Ubwiyunge.

Ibimaze gukorwa ni byinshi kandi ni byiza ariko urugendo ruracyari rurerure.

Dukomeze ibiganiro byiza dusanganywe mu miryango remezo, bidufasha kwimakaza ubutabera bwunga, no gusakaza umuco w'amahoro.

Hari gahunda n'ubundi musanzwe mugiramo uruhare, nkaba nifuza kubasaba kuza kuganira uko hakongerwamo imbaraga:

- **Kwimakaza ubumwe n'ubwiyunge, ubutabera n'amahoro:** Dukwiye gukomeza gushyira imbaraga, mu rugendo rwo gusaba imbabazi, guhindura imyumvire, guhinduka no kubaka u Rwanda.

Urugendo rwo kubabarira narwo rugakurikiraho, kuko bituma uwakorewe icyaha abohoka, cyane cyane ko aba agomba kubaho.

Kandi kubaho abohotse nibyo bimufasha kurushaho-“***The power of Forgiveness***”.

Byombi bikadufasha komora uwahemukiwe n'uwahemutse.

- **Guhangana n'ihungabana:** Haracyagaragara ihungabana mu byiciro bitandukanye. Birakwiye kongera imbaraga mu bikorwa byo kuvura ibikomere, duhuje imbaraga z'amaboko n'iz'umutima.

- **Gukumira no gukemura amakimbirane mu miryango:** Binyuze mu miryango remezo n’andi mahuriro, twongere imbaraga gutegura abakiri bato bifuza gushinga ingo zabo, arizo shingiro ry’u Rwanda twifuza.
- **Kuzamura ireme ry’uburere, cyane cyane twita kuri Gahunda Mbonezamikurire y’Abana Bato:** Iyi gahunda twabonye ko ishobora gushyirwa mu bikorwa kandi ikarema umuntu wuzuye.

Dukoreshe rero ahantu dufite (*ibyumba - spaces*) n’ubushobozi twifitemo, Abakirisitu bayitabire kurushaho, bityo tuzaba dutanze umusanzu ukomeye mu kubaka umuryango w’uyu munsu n’ uw’ejo.

- **Kuzamura ireme ry’uburezi:** Nta wakwirengagiza uruhare rwa Kiliziya mu kuzamura ireme ry’uburezi, ndetse n’imikorere myiza y’amashuri ayobowe n’Abihaye Imana. Nubwo ibyo dushima ari byinshi, dukomeze kwigira ku byiza twagezeho, dukore ibyiza birushijeho.

Batumirwa turi kumwe uyu munsi, Distingués Invités,

Permettez-moi de revenir sur la grâce que nous avons, d'avoir la Bible comme notre plus grande référence.

La Bible - ce livre précieux qui contient les plus belles des leçons, qu'aucun autre livre ne pourra jamais nous apprendre et dont l'une des plus grandes, est l'amour comme il a été écrit dans les évangiles.

Nous avons aussi le privilège de prendre pour exemple Jésus-Christ, le seul et unique 'modèle' de tous les chrétiens. Dans nos faits et actes, nous devrions être guidés par son amour immense et sa compassion.

Car, c'est ce même amour qui pardonne nos erreurs et qui nous rapproche de Dieu, dans nos moments de faiblesse.

Ne cessons jamais de suivre l'exemple de Jésus, lui qui a été rejeté et méprisé par les siens, mais qui a su promouvoir l'Union, l'Unité et la Réconciliation.

Imitons-le chaque jour, honorons ce pacte précieux qu'est la vie, et rappelons-nous aussi que le vrai art de la vie, est celui de vivre en harmonie.

**Bakirisitu mwese,
Bashumba ba Kiliziya Gatolika,**

Mufite amahirwe y'ikirenga, kuko mufite Yezu ubwe. Muzakomeze muzirikane uko yitanze atitangiriye itama, ngo yunge abantu n'Imana, iyo bava bakagera.

Icyo tubifuriza ni ukudacogora, mu kumwiga ingiro n'ingendo no gukomeza gusangira isano isumba iy'amaraso.

Kuko n'ubundi, Kiriziya irenze kure amoko n'irindi vangura iryo ari ryo ryose ryose. Ahubwo kiriziya ishinzwe roho, ishinzwe ubwoko bw'Imana aribwo kiremwamuntu, kandi nta vangura.

Mbifuriye gukomeza kuba **Abarobyi b'Abantu n'Abagabuzi b'Amahoro**, mwibuka kandi mutwigisha ko **kubaho ari ukubana**.

Mugire amahoro, Murakoze!